

Ք. Ա. ՈՒՆԻԲԱՐՅԱՆ, Խաչենի իշխանությունը X—XVI դարերում,
ՀՍՍՀ ԳԱ հրատարակչություն, Երևան, 1976, 454 էջ:

Հայաստանի տարբեր մասերին ու «աշխարհներին» պատմության ընթացքում, մանավանդ ֆեոդալիզմի դարաշրջանում, տարբեր ճակատագիր է վիճակվել: Դրանցից յուրաքանչյուրն ունեցել է իր բաղադրական պատմություն, տնտեսական-մշակութային և, նույնիսկ, հասարակական-սոցիալական կյանքի առանձնահատկությունները: Ուստի անվիճելի է, որ հայ ժողովրդի ֆեոդալական ժամանակաշրջանի ընդհանուր պատմությունն անհնար է պատկերացնել առանց Հայաստանի տարբեր մասերի ու «աշխարհներին» անցած ուղու լուսաբանման: Հայագիտության համար կարևոր նշանակություն ունեցող այդպիսի պրոբլեմներից մեկի ուսումնասիրությանն է վերված Ք. Ուլուբաբյանի գրախոսվող մենագրությունը, որն արդյունք է նրա տարիների ջանքերի ու տքնաշան աշխատանքի:

Հեղինակի ուսումնասիրության առարկան Արցախի «աշխարհին» (ավելի ուշ՝ Ղարաբաղ) կազմի մեջ մտնող Խաչենն է, նրա ավելի քան վեց հարյուր տարվա պատմության բաղմամբիվ ու բաղմարված դակ հարցերը: Ք. Ուլուբաբյանը Խաչենի իշխանության պատմության ուսումնասիրության բնագավառի պիոներներից է, եթե որոշ չափով բացառելու լինենք Մ. Բարխուդարյանցին, որի աշխատությունները վերաբերում են ոչ թե հատուկ Խաչենի իշխանությանը, այլ ամբողջ Աղվանից աշխարհին և Արցախին: Պետք է նաև նկատի ունենալ, որ Մ. Բարխուդարյանցի աշխատությունների երևան գալուց անցել է 70—75 տարի և այդ ժամանակաշրջանում հայագիտությունը հսկայական առաջընթաց է կատարել. հրապարակվել են մի շարք սկզբնաղբյուրներ, որոնք չեն օգտագործվել նախորդ հետազոտողների կողմից:

Արցախում և նրա բաղկացուցիչ մասը կազմող Խաչենում հայկական քաղաքական կյանքը երբեք չի դադարել, նրա հիմնավորը բնիկ նախարարական-իշխանական տունը հսկայական դեր է խաղացել հայ ժողովրդի ընդհանուր պատմության մեջ, դարեր շարունակ պահպանել իր ինքնուրույնությունը, երբեմն կիսանկախ վիճակը նույնիսկ այնպիսի ժամանակներում, երբ վերացված էին հայկական մյուս վարչա-քաղաքական կազմավորումները՝ թագավորությունները ու իշխանությունները մեծագույն մասը: Ուստի, միանգամայն հասկանալի է, թե ինչու հենց այստեղ ու հարևան Սյունաց աշխարհում XVII—XVIII դդ. իրենց մարմնացումն ստացան ազգային-ազատագրական հուժկու շարժումները:

Քաղաքական համեմատաբար նպաստավոր պայմանները Խաչենի իշխանության մեջ պարտ հող էին ստեղծել ազգային մշակույթի լավագույն աղանդությունների հարատևման և զարգացման համար, ծնունդ տվել փառավոր մատյանների, ճարտարապետական հրաշալի կոթողների և կրթական կենտրոնների: Այս առումով է, որ Խաչենի իշխանության X—XVI դդ. պատմության բոլոր ժառանգիքների քննական լուսաբանումը մեծ կարևորություն է ներկայացնում: Ք. Ուլուբաբյանի մենագրությունը խորը գիտական, հետաքրքիր ու հաջողված փորձ է մեր պատմագրության այդ բաց լրացնելու ճանապարհին:

Աշխատության ամենակարևոր արժանիքներից մեկը փաստական հարուստ հենքն է: Այն գրված է բաղմամբիվ ու բաղմազան սկզբնաղբյուրների (հայ և օտար պատմիչների երկեր, ձեռագրերի հիշատակարաններ, ժամանակագրություններ, վիժական արձանագրություններ, նյութական մշակույթի մնացորդներ և այլն) տեղեկությունների մանրակրկիտ քննության հիման վրա: Այս կամ այն եզրակացությանը հանգելուց առաջ հեղինակը համեմատում, ճշտում է տարբեր աղբյուրների տեղեկությունները, գտնում ամենաստույգները և դրանք վերլուծում մեծ բարեխղճությամբ: Դրա շնորհիվ նրա բոլոր եզրահանգումները փաստարկված են ու համոզիչ: Հեղինակի օգտագործած սկզբնաղբյուրների տեղեկությունների մի մասը (հիշատակարաններ, ճանապարհորդական նոթեր, վիժագրություններ և այլն) առաջին անգամ են գիտական շրջանառության մեջ դրվում: Նրան հաջողվել է ճշգրտել մինչև հիմա հայտնի մի շարք վիժագիր արձանագրությունների ընթերցումը, քննության առարկա դարձնել հայագիտության կողմից առաջօր չնկատված փաստեր ու իրողություններ: Ք. Ուլուբաբյանի աչքից չեն վրիպել ոչ մի:

«մաշրութեա» ու իրողություն, որ կարող են այս կամ այն շափով պարզություն մտցնել քննվող հարցերի մեջ:

Խաչենի իշխանության էթնիկական ու վարչա-քաղաքական ակունքների որոշումը, նրա իշխանական տան տոհմաբանությունը կարևոր նշանակություն ունեն հայոց պատմության մեջ վերջինիս խաղաղած զերը ճիշտ դնահատելու, ինչպես և մի քանի անգամ իրար հաջորդող նրա վերսկիռ ու վայրէջքի պատճառները ճիշտ բժշկելու համար: Նշելով ու ըստ արժանվուն փահատելով այս հարցի մասին նախորդ ուսումնասիրողների՝ Բարխուդարյանցի և Ս. Զալալյանի թողած արժեքավոր ժառանգությունը, Բ. Ուլուբաբյանը հավաստի սկզբնաղբուրների վկայակոչումով ուրվագծում է Մեծ Հայքի միասնական պետության ժամանակներից սկիզբ առած այդ իշխանական տան տոհմաշղթան և մատնանշում է այն անունները, որոնք առնչություն չունեն այդ սոհմի հետ, սակայն թյուրիմացաբար մտել են որոշ պատմիչների երկերի, իսկ անտեղից էլ՝ առանձին ուսումնասիրողների աշխատությունների մեջ: Նա համոզիչ կերպով ճշտում է երկրամասի Առանշահիկ իշխանական տան նշանավոր ներկայացուցիչների՝ Սահլ Սմբատյանի, Կսայի Արու-Մուսեի, Գրիգոր-Համամի, Հասան-Զալալի և ուրիշների ծագմանը, նրանց գործունեությանը, տիրույթների սահմաններին ու ժառանգներին, տոհմի տարբեր ճյուղավորումներին վերաբերող մի ամբողջ շարք հարցեր ու հարակից խնդիրներ: Աշխատության մեջ ցույց է տրված, որ հնագույն այդ իշխանական տոհմը գոյատևել ու անընդմեջ իշխել է քննության տարակա, ինչպես և նախորդ և հետագա դարերում՝ մինչև XIX դ. սկիզբը՝ «հանդիսանալով ամենաերկարակյաց նախարարական (իշխանական) տունը հայ հողի վրա»:

Բ. Ուլուբաբյանը նշում է, որ արարական տիրապետությունից հետո Բագրատունյաց թագավորությունը, որի սահմանների մեջ ընդգրկված էր նաև Խաչենի իշխանությունը, քաղաքական ու մշակութային վերելքի լայն հեռանկար կարող էր բացել հայ ժողովրդի համար: Սակայն Խաչենում և հարևան հայկական շրջաններում այդ հեռանկարները չիրականացան: Աշտու Բագրատունու հաջորդներին չհաջողվեց ստեղծված թագավորությունը դարձնել միասնական, հզորացնել և անմատչելի դարձնել արտաքին արհամարհների գծով: Այդ ուղղությամբ Բագրատունի թագավորների գործադրած գերմարդկային ուժերը վերջիվերջո արդյունքի չհասան: Բագրատունյաց արդեն տրոհվող պետության պայմաններում՝ ավատական կարգերին հատուկ կենտրոնախույս տրամադրությունների հետևանքով, Խաչենը թողնվել էր իր բախտին և ավելի մանրանալու-փոքրանալու միտումներ էր ցույց տալիս: 910 թ. այստեղ Հովհաննես-Սենեքերիմը ստեղծեց Փառխոսի թագավորությունը, որի պատմության հիմնական առանձնահատկությունները առաջին անգամ ուրվագծված են գրախոսվող մենագրության մեջ: Այնտեղ առաջին անգամ ի մի են բերված աղբյուրների տեղեկությունները Փառխոսի թագավորության մասին, քննված են այդ թագավորության կազմավորման, իշխող թագավորական հարստության ծագման արանություն, նրա անկման ժամանակի ու պատճառների վերաբերյալ եղած կարծիքները՝ հիմք ընդունելով հայ և օտար աղբյուրների վկայություններն ու հաղորդած տեղեկությունները:

Նեղիմակն իր ուսումնասիրության բուն խնդրին անդադառնալիս քանիցս հիշեցնում է, որ իր հետազոտության հիմնական նյութը Խաչենի իշխանության քաղաքական պատմությունն է: Այնուհանդերձ, դա չի խանգարել, որ աշխատության մեջ հետաքրքիր տեղեկություններ հաղորդվեն ու քննվեն նաև Խաչենի իշխանության բնակչության սոցիալ-տնտեսական վիճակի և մշակութային կյանքի վերաբերյալ: Այս տեսակետից ուշագրության արժանի են Խաչենի գյուղացիության ճորտական իրավունքին վերաբերող վիճակի արձանագրությունների քննությունը երկրամասի սոցիալ-տնտեսական վիճակին վերաբերող գլխում և Հասան-Զալալյանների մշակութային գործունեության վերահանումը, հատկապես բնութագրումն այն դերի, որ ունի Գանձասարի ճարտարապետական համալիրն ու մշակույթի նշանավոր կենտրոնը հայ միջնադարյան մշակութային կյանքի զարգացման մեջ:

Մենագրության այս հատվածի գիտական նշանակությունը բարձրանում է նաև նրանով, որ առ այսօր Գանձասարը դեռևս քիչ է ուսումնասիրված: Մինչդեռ հայտնի է, որ մշակութի կենտրոն լինելու հետ միասին Գանձասարը խոշոր դեր է խաղացել նաև XVIII դ. հայ ազատագրական շարժման մեջ և նրա համակողմանի ուսումնասիրությունը մեծ կարևորություն ունի: Սակայն, ինչպես ասվեց, մենագրության առանցքը Խաչենի քաղաքական կյանքն է: Հեղինակը համոզիչ փաստերով ցույց է տվել, որ սելջուկ-թուրքերը, մասնավորապես թաթար-մոնղոլական և հետագա եկվոր տիրապետողները որքան էլ բռնությամբ ու կեղեքումներով նեղում էին աշխարհիկ իշխանավորներին, հպատակ երկրամասի ներսում հաճախ ճանաչելով միայն հոգեվոր առաջնորդների գոյությունն ու իրավունքները, այնուամենայնիվ, Խաչենի հին իշխանական տան մնացորդները կենսունակ էին և մնացել էին իրենց իրենց երկրի վարչա-քաղաքական իշ-

խանութայան տնօրենները, Հեղինակը իրավացիորեն նկատում է, որ վերջիններս շնայած շունին զինական անհրաժեշտ կշիռ, բայց և այնպես նրանց ներքին իրավասությունը ենթակա այդ իշխանությունը վառ պահեց հայկական պետականության բեկորները և ազգային ազատագրության այն կայծերը, որոնցով պետք է բորբոքվեին XVIII դ. ազատագրական շարժումները Ղաթաբաղում և հարևան Սյունիքում:

Պատմական ազդյունների և պատմադիտական պրականության բազմազան նյութերի համադրական բնությունամբ, ճիշտ է, Ա. Մնացականյանի կողմից վերջին տարիներս հիմնավորապես պարզված էին Արցախի և նրան հարակից հայկական զավառների պատմա-աշխարհագրական և էթնիկական սահմանները, ինչպես և այդ տարածքների վրա իշխած տոհմերի ազգային պատկանելության հարցը, այնուհանդերձ, հաշենի իշխանական տան առանձին ներկայացուցիչների անվան, ժամանակի ու գործերի, նրանց տիրույթների սահմանների որոշման ու ճշտման հարցում դեռևս կային տարակարծություններ ու խլուրդամացություններ, որոնք բացահայտվել, լուսաբանվել ու համոզիչ պատասխան են դրել Բ. Ուլուբաբյանի մենագրություն մեջ: Գրախոսվող աշխատության մեջ պատմա-աշխարհագրական եզրահանգումներ են կատարված են հետաքրքիր ու գիտական առումով հիշատակության արժանի բարեխղճությամբ: Աշխատության զանազան մասերում և մանավանդ պատմա-աշխարհագրական ակնարկում, ազդյունների քննական-քննադատական ուսումնասիրության հիման վրա, կատարված է լուրջ աշխատանք, Հեղինակը ցույց է տվել իշխանության տարածքի փոփոխությունները նրա պատմության տարբեր փուլերում, ճշտել է երկրամասի բոլոր զավառների աշխարհագրական դիրքն ու սահմանները, աշխարհագրական օբյեկտների տեղագրությունը: Առանձնապես հաջող են լուսաբանված Մյուս Հաբանդ (էջ 31), Մեծառանք (էջ 31—32), Մեծկուանք (էջ 32—33), Փառխոս (էջ 33—34), Բերգածոր (էջ 35—36) զավառների դիրքն ու սահմանները:

Մենագրությունն ունի կուռ կառուցվածք: Դրանում արծարծված են երկրամասի պատմությունը համակողմանի ընդգրկող բոլոր մեծ ու փոքր հարցերը: Բ. Ուլուբաբյանը իսկնին պատմությունն ուսումնասիրել է բովանդակ Հայաստանի և հարևան Բաղկասկանի պատմության ֆոնի վրա՝ մարքախտական պատմագիտության մեթոդաբանությամբ: Մենագրության մեջ նկատվող բացթողումները, որոնցից ամենախիստ, մեր կարծիքով, բնակչության սոցիալ-տնտեսական պայմաններին ու մշակույթին համեմատաբար բիշ տեղ հատկացնելն է և քարտեզի բացակայությունը, չեն կարող ազդել նրա ընդհանուր արժեքի վրա, քանի որ դրանք հիմնականում հետևանք են նաև համապատասխան սկզբնաղբյուրների բացակայության: Բ. Ուլուբաբյանի ուսումնասիրությունը զգալի ներդրում է հայ ժողովրդի միջնադարյան պատմության ուսումնասիրման բնագավառում: Նրա այնքան մեծ բարեխղճությամբ լուսաբանած իսկնին բաղադրական պատմությունը, իշխանական տոհմագրությունը, պատմա-աշխարհագրական, բանասիրական, սոցիալ-տնտեսական և մյուս բնագավառներին վերաբերող հարցերը մեծապես նպաստելու են հայ ժողովրդի ընդհանուր ու համակողմանի պատմության ստեղծմանը:

Անուրանալի է նաև գրախոսվող ուսումնասիրության լեզվական բարձր կուլտուրան: Հեղինակը օժտված էինելով գրական անուրանալի ձիրքով, իր մենագրությունը շարագրել է օրինակելի հայերենով: Անկախ քննվող հարցերի քննարկից, գրքի բոլոր հատվածներն ընթերցվում են մեծ հաճությամբ ու բավականությամբ: Հրաշալի են նյութի մատուցման ձևերն ու հնարանները, և շնայած մենագրությունը վերաբերում է պատմագիտական առումով ճշգրտ և ճշգրտ հարցերի, բնույթով խորը քննախոսություն է, մասնագետներից բացի այն մատչելի է նաև ընթերցող ու պատմությամբ հետաքրքրվող հասարակության շրջաններին:

Ք. Խ. ՀԱԿՈՐԱՅԱՆ

Պատմական գիտությունների դոկտոր